



02234

天津特別市
市立第二圖書館

02234



天津特別市市立第二圖書館 29-6.10.000

春秋公羊傳

稽古樓梓

春秋公羊傳序

漢何

休撰

休撰

昔者孔子有云吾志在春秋行在孝經此二
學者聖人之極致治世之要務也傳春秋者
非一本據亂而作其書多非常異義可怪之
論說者疑惑至有倍經任意反傳違戾者其
勢雖問不得不廣是以講誦師言至於百萬
猶有不解時加釀嘲辭援引他經失其句讀
以無爲有甚可閔笑者不可勝記也是以治

春秋

公羊傳

序

稽古樓

古學貴文章者謂之俗儒至使賈逵綠隙奮
筆以爲公羊可奪左氏可興恨先師觀聽不
決多隨二創此世之餘事斯豈非守文持論
敗績失據之過哉余竊悲之久矣往者畧依
胡毋生條例多得其正故遂隱括使就繩墨
焉

春秋公羊傳攷

明烏程閔齊伋學

公羊高齊人受春秋於子夏作傳傳子平平
傳子地地傳子敢敢傳子壽當漢景帝時壽
乃共弟子胡毋子都著於竹帛與董仲舒皆
見於圖讖自壽而前咸口授焉是以免於秦
之灰也胡毋生與董仲舒同業齊之言春秋
者宗事之公孫弘亦頗受焉武帝尊公羊家
由是大興胡毋生弟子嬴公授孟卿及眭孟
春秋公羊傳攷一稽古樓

眭孟授嚴彭祖顏安樂由是有嚴顏之學彭
祖授王中申授公孫文東門雲安樂授陰豐
任公有陰任之學踈廣事孟卿授筦路良禹
事嬴公授堂溪惠惠授冥都有筦冥之學

漢藝文志公羊傳十一卷外傳五十篇章句
三十八篇雜記八十三篇顏氏說十一篇董
仲舒治獄十六篇皆公羊之學也

武帝立五經博士春秋唯有公羊孝宣善穀

梁說始置穀梁博士

詩正義云漢初爲傳訓者皆與經別行三傳之文不與經連故石經書公羊傳皆無經文東漢何休字邵公作公羊解詁覃思不闕門十有七年與其師博士羊弼追李育之意以難二傳作公羊墨守左氏膏肓穀梁廢疾鄭玄乃發墨守鍼膏肓起廢疾休見而歎曰康成人吾室操吾戈以伐吾乎

春秋

公羊傳

攷

二

稽古樓

晁氏志董仲舒以公羊顯四傳至何休

魏畧嚴翰善公羊鍾繇好左氏繇謂左氏爲太官而謂公羊爲賣餅家數與翰會辯析長短繇機捷而翰呐口時屈無以應繇曰公羊高敬服邱明矣翰曰直故吏爲左明公服耳公羊未肯也

晉王接謂公羊附經立傳經所不書傳不妄起於文爲儉通經爲長任城何休訓釋甚詳

而黜周王魯大體乖核且志通公羊而往往
還爲公羊疾病接乃更爲注多有新義長子
愆期緣父本意撰公羊解詁十三卷

梁有高龍注公羊十二卷孔衍集解十四卷
刁氏例序一卷

晉劉寔尤精三傳辯正公羊以爲衛輒不意
辭以王父命祭仲失爲臣之節撰春秋發例
二十卷

春秋

公羊

傳

疏

三

稽古樓

公

羊

論

隋志公羊傳問答九卷晉荀爽問徐欽公
羊論二卷晉庾翼問王愆期答

崇文書目公羊疏三十卷不知撰人或云徐
彥撰邢昺等是正以何氏三科九旨爲宗本
其說曰何氏之意三科九旨正是一事爾總
而言之謂之三科析而言之謂之九旨新周
故宋以春秋當新王此一科三旨也所見異
辭所聞異辭所傳聞異辭此二科六旨也內

其國而外諸夏內諸夏而外夷狄此三科九旨也

王伯厚玉海曰箋傳之學唯春秋爲難工經理也史事也春秋名經而實史也專於經則理虛而無證專於史則事礙而不通是以難也

張賓王曰左氏之爲言也在而殊體焉敘儀節也典而方敘兵戎也森而武敘諫說也若

春秋公羊傳攷

四稽古樓

爲刺若爲幾敘辭命也藻而嫺於度奕奕乎備哉而公羊氏不然無之而不游浪焉無之而不灑宕焉無之而不裔迂焉試取而噉之而唇吻問裊裊乎如篆煙之輕而上也纍纍乎如貫珠之聯而澤也澹澹乎如蔗漿泮實之不五味而味也致足樂也

春秋公羊傳

漢何休學

明閔齊伋裁註

隱公

元年春王正月傳元年者何君之始年也春者何歲之始也王者執謂文王也曷為先言王而後言正月王正月也何言乎王正月大一統也公何以不言即位成公意也何成

春秋

公羊傳

隱公

稽古樓

乎公之意公將平國而反之桓曷為反之桓桓幼而貴隱長而卑其為尊卑也微國人莫知隱長又賢諸大夫拔隱而立之隱於是焉而辭立則未知桓之將必得立也且如桓立則恐諸大夫之不能相幼君也故凡隱之立為桓立也隱長又賢何以不宜立立適以長不以賢立子以貴不以長桓何以貴母貴也母貴則子何以貴子以母貴母以子貴長上聲板

音顏反相爲並
去聲適音的

文王周始受命之王天之所命故上繫天
端王正月者以上繫於王知王者受命布
政施教所制月也扳引也適謂嫡夫人之
子尊無與敵故以齒子謂右左媵及姪娣
之子位有貴賤又防其同時而生故以貴
也禮適夫人無子立右媵右媵無子立左

媵左媵無子立適姪娣適姪娣無子立右

春秋

公羊

隱公

二

稽古樓

媵姪娣右媵姪娣無子立左媵姪娣質家
親親先立娣文家尊尊先立姪適子有孫
而死質家親親先立弟文家尊尊先立孫
其雙生也質家据見立先生文家据本意
立後生皆所以防愛爭母貴桓母右媵也
子以母貴以母秩次立也母以子貴妾子
立則母得爲夫人也

二月公及邾婁儀父盟于昧傳及者何與也

會及暨皆與也曷爲或言會或言及或言暨
會猶最也及猶汲汲也暨猶暨暨也及我欲
之暨不得已也儀父者何邾婁之君也何以
名字也曷爲稱字褻之也曷爲褻之爲其與
公盟也與公盟者眾矣曷爲獨褻乎此因其
可褻而褻之此其爲可褻奈何漸進也昧者
何地期也

左氏穀梁無婁字
昧亡結反左作蔑

邾人語聲後曰婁故曰邾婁最聚也直自

春秋

公羊

隱公

三

稽古樓

若平時聚會無他深淺意也最之爲言聚
若今聚民爲投最去惡就善曰進地期者
會盟戰皆錄地其所期處重期也

夏五月鄭伯克段于鄆
克之者何殺之也
殺之則曷爲謂之克
大鄭伯之惡也曷爲大
鄭伯之惡母欲立之已殺之如勿與而已矣
段者何鄭伯之弟也何以不稱弟當國也其
地何當國也齊人殺無知何以不地在內也

在內雖當國不地也不當國雖在外亦不地也

以弗克納大卻缺之善知加克大鄭伯之惡矣如卽不如齊人語也如勿與而已者不如勿使與國政則猶全之也當國也者欲當國爲之君故如其意使如國君氏上鄭所以見段之逆

秋七月天王使宰咺來歸惠公仲子之賵

春秋公羊

傳

隱公

四

稽古樓

宰者何官也咺者何名也曷爲以官氏宰士也惠公者何隱之考也仲子者何桓之母也何以不稱夫人桓未君也賵者何喪事有賵賵者蓋以馬以乘馬束帛車馬曰賵貨財曰賵衣被曰繾桓未君則諸侯曷爲來賵之隱爲桓立故以桓母之喪告于諸侯然則何言爾成公意也其言來不及事也其言惠公仲子何兼之兼之非禮也何以不言及仲子

仲子微也

四沈阮反贈芳鳳反贈音附禴音遂

以馬士不備四也乘馬大夫以上備四也

諫帛謂元三纁二元三法天纁二法地因

取足以共事贈猶覆也賻猶助也禴猶遺

也知生者贈賻知死者贈禴

九月及宋人盟于宿_魯孰及之內之微者也

冬十有二月祭伯來_魯祭伯者何天子之大

夫也何以不稱使奔也奔則曷為不言奔王

春秋

公羊隱公

五

稽古樓

者無外言奔則有外之辭也

祭側界反

公子益師卒_魯何以不日遠也所見異辭所

聞異辭所傳聞異辭

所見謂己與父時事也所聞王父時事也

所傳聞高祖曾祖時事也恩有厚薄義有

深淺

二年春公會戎于潛

夏五月莒人入向_魯人者何得而不居也

無駭帥師入極傳無駭者何展無駭也何以不氏貶曷爲貶疾始滅也始滅昉於此乎前此矣前此則曷爲始乎此託始焉爾曷爲託始焉爾春秋之始也此滅也其言人何內大惡諱也駭穀作孩

昉適也齊人語若鄭譜云然則詩之道放於此乎之類焉爾猶於是也

秋八月庚辰公及戎盟于唐

春秋

公羊傳

隱公

六

稽古樓

九月紀履緌來逆女傳紀履緌者何紀大夫也何以不稱使婚禮不稱主人然則曷稱稱諸父兄師友宋公使公孫壽來納幣則其稱主人何辭窮也辭窮者何無母也然則紀有母乎曰有有則何以不稱母母不通也外逆女不書此何以書譏何譏爾譏始不親迎也始不親迎昉於此乎前此矣前此則曷爲始乎此託始焉爾曷爲託始焉爾春秋之始也

女曷爲或稱女或稱婦或稱夫人女在其國

稱女在塗稱婦人國稱夫人

綸音須左傳作裂繻

婚禮不稱主人養廉遠恥也禮有母母當

命諸父兄師友稱諸父兄師友以行宋公

無母辭窮故自命之則不得不稱使矣母

不通也者婦人無外事但得命諸父兄師

友以行耳不得稱母通使所以遠別也

冬十月伯姬歸于紀傳伯姬者何內女也其

春秋

公羊

隱公

七

稽古樓

言歸何婦人謂嫁曰歸

紀子伯莒子盟于密傳紀子伯者何無聞焉

爾

十有二月乙卯夫人士氏薨傳夫人士氏者

何隱公之母也何以不書葬成公意也何成

乎公之意子將不終爲君故母亦不終爲夫

人也

鄭人伐衛

三年春王二月己巳日有食之傳何以書記
異也日食則曷爲或日或不日或言朔或不
言朔曰某月某日朔日有食之者食正朔也
其或日或不日或失之前或失之後失之前
者朔在前也失之後者朔在後也

二月殷正月也三月夏正月也王者存二

王之後故皆稱王使統其正朔服其服色

行其禮樂所以尊先聖通三統師法之義

春秋

公羊

隱公

八

稽古樓

恭讓之禮於是可得而觀異者非常可恠

先事而至者也食正朔者桓三年秋七月

壬辰朔日有食之是也日月之行無遲疾

食不失正朔也朔在前謂二日食此己巳

日有食之是也日行疾月行遲過朔乃食

失正朔於前也朔在後謂晦日食莊十八

年三月日有食之是也日行遲月行疾未

至朔而食失正朔於後也

三月庚戌天王崩傳何以不書葬天子記崩不記葬必其時也諸侯記卒記葬有天子存不得必其時也曷爲或言崩或言薨天子曰崩諸侯曰薨大夫曰卒士曰不祿

必其時者至尊無所屈也不得必其時者設有王及后崩當越紼而奔喪也

夏四月辛卯尹氏卒傳尹氏者何天子之大

夫也其稱尹氏何貶曷爲貶譏世卿世卿非

春秋公羊隱公九稽古樓

禮也外大夫不卒此何以卒天王崩諸侯之

主也尹左

去名存氏起其世卿若曰世世尹氏也時

天王崩隱往奔喪尹氏主饋饗諸侯與隱

交接故曰主

秋武氏子來求賻傳武氏子者何天子之大

夫也其稱武氏子何譏何譏爾父卒子未命

也何以不稱使當喪未君也武氏子來求賻

何以書譏何譏爾喪事無求求賻非禮也蓋
通于下

通於下者嫌天子財多不當求下財少可
求故明皆不當求之蓋詰為皆若似蓋云
歸哉之類或者不受於師故疑之

八月庚辰宋公和卒

冬十有二月齊侯鄭伯盟于石門

癸未葬宋繆公信葬者曷為或日或不日不

春秋公羊傳憲公十稽古樓

及時而日渴葬也不及時而不日慢葬也過
時而日隱之也過時而不日謂之不能葬也
當時而不日正也當時而日危不得葬也此
當時何危爾宣公謂繆公曰以吾愛與夷則
不若愛女以為社稷宗廟主則與夷不若女
盍終為君矣宣公死繆公立繆公逐其二子
莊公馮與左師勃曰爾為吾子生毋相見死
毋相哭與夷復曰先君之所為不與臣國而

納國乎君者以君可以爲社稷宗廟主也今君逐君之二子而將致國乎與夷此非先君之意也且使子而可逐則先君其逐臣矣繆公曰先君之不爾逐可知矣吾立乎此攝也終致國乎與夷莊公馮弒與夷故君子大居正宋之禍宣公爲之也

女音汝

天子七月而葬同執舉至諸侯五月同盟

至大夫三月同盟至士踰月外姻至不及

春秋公羊

隱公傳

十二

稽古樓

時不及五月也渴喻急也言更無他事但

孜孜於葬故不待五月矣慢葬慢薄不能

以禮葬也隱痛也傷賢君不得以時葬也

繆公者宣公之弟與夷者宣公之子

四年春王二月莒人伐杞取牟婁

何杞之邑也外取邑不書此何以書疾始取

邑也

戊申衛州吁弒其君完傳曷爲以國氏當國

也州穀作
祝後同

君父言弑積漸之名也臣子言殺卑賤之意也

夏公及宋公遇于清傳遇者何不期也一君出一君要之也

宋公陳侯蔡人衛人伐鄭

秋翬帥師會宋公陳侯蔡人衛人伐鄭傳翬

者何公子翬也何以不稱公子貶曷為貶與

春秋公羊傳隱公傳十二稽古樓

弑公也其與弑公奈何公子翬諂乎隱公謂

隱公曰百姓安子諸侯說子盍終為君矣隱

曰否吾使脩塗裘吾將老焉公子翬恐若其

言聞乎桓於是謂桓曰吾為子口隱矣隱曰

吾不反也桓曰然則奈何曰請作難弑隱公

於鍾巫之祭焉弑隱公也

塗裘邑名口猶口語相發動也鍾巫亦地名

名

九月衛人殺州吁于濮傳其稱人何討賊之辭也

明國中人人得討之所以廣忠孝之路

冬十有二月衛人立晉傳晉者何公子晉也立者何立者不宜立也其稱人何眾立之之辭也然則孰立之石碯立之石碯立之則其稱人何眾之所欲立也眾雖欲立之其立之非也碯七畧反

春秋

公羊傳

隱公

十三

稽古樓

諸侯立不言立此獨言立明不宜立之辭五年春公觀魚于棠傳何以書譏何譏爾遠也公曷爲遠而觀魚登來之也百金之魚公張之登來之者何美大之之辭也棠者何濟上之邑也

登讀言得得來之者齊人語也齊人名求

得爲得來作登來者其言大而急由口授

也百金之魚公張之解言登來之意也張

張罔咎正以價直百金故言得來之言大
而急美大多得利之辭也實譏張魚而言
觀譏遠者恥公去南面之位下與百姓爭
利匹夫無異故諱使若以遠觀爲譏也

夏四月葬衛桓公

秋衛師入盛魯曷爲或言率師或不言率師
將尊師眾稱某率師將尊師少稱將將卑師
眾稱師將卑師少稱人君將不言率師書其
春秋公羊隱公傳十四
稽古樓
重者也

師眾滿二千五百人以上也

九月考仲子之宮傳考宮者何考猶入室也
始祭仲子也桓未君則曷爲祭仲子隱爲桓
立故爲桓祭其母也然則何言爾成公意也
考成也成仲子之宗廟而祭之所以居其

鬼神猶生人入宮室必有飲食之事

初獻六羽傳初者何始也六羽者何舞也初

獻六羽何以書譏何譏爾譏始僭諸公也六羽之爲僭奈何天子八佾諸公六諸侯四諸公者何諸侯者何天子三公稱公王者之後稱公其餘大國稱侯小國稱伯子男天子三公者何天子之相也天子之相則何以三自陝而東者周公主之自陝而西者召公主之一相處乎內始僭諸公昉於此乎前此矣前此則曷爲始乎此僭諸公猶可言也僭天子不可言也

春秋

公羊

傳

隱公

十五年

稽古樓

稽古樓

舞持羽而舞佾列也八佾八人爲列八列六佾六人爲列六列前僭八佾於惠公大惡不可言也還從僭六羽議本所當託者非但六也不言六佾者言佾則于舞在其申明婦人無武事獨奏文樂羽者鴻羽也所以象文德之風化疾也

邾婁人鄭人伐宋

螟傳何以書記災也

有害于人物曰災異先事而至災隨事而至皆君行之所致也

冬十有二月辛巳公子彊卒

宋人伐鄭圍長葛傳邑不言圍此其言圍何疆也

惡其疆而無義也必欲為得邑故如其意

言圍

春秋

公羊傳

隱公

十六

稽古樓

六年春鄭人來輸平傳輸平者何輸平猶墮

成也何言乎墮成敗其成也曰吾成敗矣吾

與鄭人末有成也吾與鄭人則曷為末有成

狐壤之戰隱公獲焉然則何以不言戰諱獲

也輸左氏作渝

末無也翬伐鄭後已與鄭平時復與鄭人

戰於狐壤公為鄭所獲故云末有成也君

獲不言師敗績故以輸平諱

夏五月辛酉公會齊侯盟于艾

秋七月傳此無事何以書春秋雖無事首時

過則書首時過則何以書春秋編年四時具

然後為年

冬宋人取長葛傳外取邑不書此何以書久

也

更年取邑暴師苦眾故書以疾之

七年春王三月叔姬歸于紀

春秋公羊

隱公

七

稽古樓

滕侯卒傳何以不名微國也微國則其稱侯

何不嫌也春秋貴賤不嫌同號美惡不嫌同

辭

据滕子來朝下常稱子

夏城中邱傳中邱者何內之邑也城中邱何

以書以重書也

以功重故書也不稍稍補完至今大崩壞

然後發眾城之猥苦百姓空虛國家與始

城無異

齊侯使其弟年來聘傳其稱弟何母弟稱弟
母兄稱兄

春秋變周之文從殷之質質家親親明當
親厚異於羣公子也

秋公伐邾婁

冬天王使凡伯來聘戎伐凡伯于楚邱以歸

傳凡伯者何天子之大夫也此聘也其言伐

春秋公羊隱公

十六 稽古樓

之何執之也執之則其言伐之何大之也曷
爲大之不與夷狄之執中國也其地何大之
也

大之者尊天王命責當死位故使與國同
也不地以衛者天子之大夫銜王命至尊
顧在所諸侯有出入所在赴其難當與國
君等也

八年春宋公衛侯遇于垂

三月鄭僑使宛來歸鄭僑宛者何鄭之微者也
也鄭者何鄭湯沐之邑也天子有事於泰山
諸侯皆從泰山之下諸侯皆有湯沐之邑焉

宛於阮反鄭音兩
左氏作祔下同

庚寅我入鄭僑其言入何難也其日何難也
其言我何言我者非獨我也齊亦欲之

其言入何難也者魯受鄭與鄭同非當誅

故書入欲爲魯見重難辭其日何難也者

春秋公羊

隱公傳

十九

稽古樓

明以歸後乃日也言時重難不可卽入至

此日乃入爾

夏六月己亥蔡侯考父卒

辛亥宿男卒

秋七月庚午宋公齊侯衛侯盟于瓦屋

八月葬齊宣公僑卒何以名而葬不名卒從

正而葬從主人卒何以日而葬不日卒赴而

葬不告

卒當赴告天子君前臣名從君臣之正義

言故曰從正

九月辛卯公及莒人盟于包來傳公曷為與

微者盟稱人則從不疑也包左作浮

從者隨從也實莒子也言莒子則嫌公行

微不肖諸侯不肯從公盟而公反從之故

使稱人則隨從公不疑矣隱為桓立狐壤

之戰不能死難又受湯沐邑卒無廉恥令

春秋公羊隱公二十稽古樓

聳有緣諂為桓所疑故著其不肖僅能使

微者隨從之盟蓋痛錄隱所以失之又見

獲受邑皆諱不明因與上相起也

螟

冬十有二月無駭卒傳此展無駭也何以不

氏疾始滅也故終其身不氏

始滅謂二年夏入極之役

九年春天王使南季來聘

三月癸酉大雨震電傳何以書記異也何異爾不時也

周之三月夏之正月

庚辰大雨雪傳何以書記異也何異爾傲甚也

傲始怒也始怒甚猶太甚也蓋師說以為平地七尺雪者盛陰之氣也此桓將怒而弑隱之象

春秋公羊傳隱公

三王稽古樓

俠卒傳俠者何吾大夫之未命者也俠左作挾

無氏降于大夫書卒降于微者

夏城郎

秋七月

冬公會齊侯于邠邠左作防

十年春土二月公會齊侯鄭伯于中邱

夏聾帥師會齊人鄭人伐宋傳此公子翬也

何以不稱公子貶曷為貶隱之罪人也故終

隱之篇貶也

六月壬戌公敗宋師于營辛未取郟辛巳取防國取邑不曰此何以日一月而再取也何言乎一月而再取甚之也內大惡諱此其言甚之何春秋錄內而略外於外大惡書小惡不書於內大惡諱小惡書

甚之者甚魯因戰見移生事利心數動也

取邑爲小惡一月再取小惡中甚者耳故

春秋

公羊 隱公

三

稽古樓

書

秋宋人衛人入鄭

宋人蔡人衛人伐載鄭伯伐取之國其言伐取之何易也其易奈何因其力也因誰之力因宋人蔡人衛人之力也

載屬爲上三國所伐鄭伯因其困而滅之

易若取邑故言取欲起其易因上伐力故

同其上言伐就上載言取之

冬十月壬午齊人入盛

十有一年春滕侯薛侯來朝傳其言朝何諸侯來曰朝大夫來曰聘其兼言之何微國也

掃鄧穀來朝不兼言知此畧小國

夏五月公會鄭伯于祁黎

秋七月壬午公及齊侯鄭伯入許

冬十有一月壬辰公薨傳何以不書葬隱之

也何隱爾弑也弑則何以不書葬春秋君弑

春秋公羊傳隱公二王稽古樓

賊不討不書葬以爲無臣子也子沈子曰君

弑臣不討賊非臣也不復讎非子也葬生者

之事也春秋君弑賊不討不書葬以爲不繫

乎臣子也公薨何以不地不忍言也隱何以

無正月隱將讓乎桓故不有其正月也

沈子稱子冠氏上者著其爲師也不但言

子者辟孔子也其不冠子者他師也不繫

乎臣子明臣子不討賊當絕君喪無所繫

也

春秋

公羊

傳

隱公

二

稽古樓

春秋公羊傳隱公終

春秋公羊傳

漢何休學

明閔齊伋裁註

桓公

元年春王正月公即位傳繼弑君不言即位此其言即位何如其意也

据蒞公不書即位此書即位者桓弑君欲

即位故如其意以著其惡直而不顯諱而

春秋公羊桓公

稽古樓

不盈

三月公會鄭伯于垂

鄭伯以璧假許田傳其言以璧假之何易之

也易之則其言假之何為恭也曷為為恭有

天子存則諸侯不得專地也許田者何魯朝

宿之邑也諸侯時朝乎天子天子之郊諸侯

皆有朝宿之邑焉此魯朝宿之邑也則曷為

謂之許田諱取周田也諱取周田則曷為謂

之許田繫之許也曷爲繫之許近許也此邑也其稱田何田多邑少稱田邑多田少稱邑

爲恭謂爲恭遜之辭使若暫假借云時朝

者順四時而朝也諸侯卽位五年一朝王

者亦貴得天下之歡心以事其先王因助

祭以述其職故分四方諸侯爲五部部有

四輩輩主一時宿者先誠之辭古者天子

邦畿千里遠郊五百里諸侯至遠郊不敢

春秋

公羊傳

桓公

二

稽古樓

稽古樓

便入必先告至由如他國至竟而假途也

皆所以防未然謹事上之敬也王者以諸

侯遠來朝亦加殷勤之禮以接之爲告至

之須當有所住止故賜邑於遠郊其實天

子地諸侯不得專也桓無尊事天子之心

專以朝宿之邑與鄭故深諱使若暫假借

者然

夏四月丁未公及鄭伯盟于越

秋大水傳何以書記災也

冬十月

三年春王正月戊申宋督弑其君與夷及其大夫孔父傳及者何累也弑君多矣舍此無累者乎曰有仇牧荀息皆累也舍仇牧荀息無累者乎曰有有則此何以書賢也何賢乎孔父孔父可謂義形於色矣其義形於色奈何督將弑殤公孔父生而存則殤公不可得春秋公羊傳桓公三稽古樓而弑也故於是先攻孔父之家殤公知孔父死已必死趨而救之皆死焉孔父正色而立於朝則人莫敢過而致難於其君者孔父可謂義形於色矣

累者累累從君而死齊人語也

滕子來朝

三月公會齊侯陳侯鄭伯于稷以成宋亂傳丙大惡謹此其目言之何遠也所見異辭所

聞異辭所傳聞異辭隱亦遠矣曷爲爲隱謹
隱賢而桓賤也

目見也斥見其惡言成宋亂也所見之世
臣子恩其君父尤厚定哀多微辭是也所
聞之世恩王父少殺故立煬宮不曰武宮
曰是也所傳聞之世恩高祖曾祖又少殺
故子赤卒不曰子般卒曰是也古者諸侯

五國爲屬屬有長二屬爲連連有帥三帥

春秋

公羊 桓公

四

稽古樓

爲卒卒有正七卒爲州州有伯也州中有
爲無道者則長帥正伯當征之不征則與
同惡當春秋時天下散亂保伍壞敗雖不
誅不爲成亂今責其成亂者疾其受賂也
加以者辟直成亂也

夏四月取郟大鼎于宋傳此取之宋其謂之
郟鼎何器從名地從主人器何以從名地何
以從主人器之與人非有卽爾宋始以不義

取之故謂之郛鼎至平地之與人則不然俄而可以爲其有矣然則爲取可以爲其有乎曰否何者若楚王之妻媼無時焉可也

郛本所以有大鼎者周家以世孝天瑞之鼎以助享祭諸侯有世孝者天子亦作鼎以賜之器從名從本主名之地從主人從後所屬主人如莒人伐杞取牟婁後莒牟婁以牟婁來奔不繫杞也卽就也非有

春秋

公羊

桓公

五

稽古樓

就爾若曰取彼器與此人異國物凡人取異國物非就有取之者皆持以歸爲有爲後不可分明故正其本名爲取恣意辭也媼妹也

戊申納于大廟禮何以書譏何譏爾遂亂受賂納于大廟非禮也

秋七月紀侯來朝

蔡侯鄭伯會于鄧禮離不言會此其言會何

蓋鄧與會爾

二國會曰離二人議各是其所是非其所
非不能決事定是非立善惡故謂之離會
時因鄧都得與鄧會自三國以上言會者
重其少從多也能決事定是非立善惡所
傳聞之世外離會不書內離會書畧外也

九月人紀

公及戎盟于唐

春秋

公羊傳

桓公

六

稽古樓

冬公至自唐

三年春正月公會齊侯于贏

夏齊侯衛侯胥命于蒲傳胥命者何相命也

何言乎相命近正也此其為近正奈何古者

不盟結言而退

時盟不歃血但以命相誓

六月公會紀侯于盛

秋七月壬辰朔日有食之既傳既者何盡也

公子翬如齊逆女

九月齊侯送姜氏于讙傳何以書譏何譏爾諸侯越竟送女非禮也此入國矣何以不稱夫人自我言齊齊父母之於子雖爲鄰國夫人猶曰吾姜氏

從父母辭所以崇父子之親

公會齊侯于讙夫人姜氏至自齊傳翬何以不致得見乎公矣

春秋

公羊

桓公

七

稽古樓

據宣元年遂以夫人婦姜至自齊而此不致者上會議時夫人已得見公得禮失禮在公不復在翬故不復致

冬齊侯使其弟年來聘

有年傳有年何以書以喜書也大有年何以書亦以喜書也此其曰有年何僅有年也彼其曰大有年何大豐年也僅有年亦足以當喜乎恃有年也

四年春正月公狩于郎傳狩者何田狩也春
曰苗秋曰蒐冬曰狩常事不書此何以書譏
何譏爾遠也諸侯曷爲必田狩一曰乾豆二
曰賓客三曰充君之庖

田者蒐狩之總名也一者第一之殺也自

左膘射之達於右髀中心死疾鮮潔故乾
而豆之中薦於宗廟豆祭器名第二之殺

自左膘射之達於右脾遠心死難故以爲

春秋

公羊

桓公

八

稽古樓

賓俎實第三之殺自左膘射之達於右髀

中腸膾汚泡死遲故以充君之庖廚

夏天王使宰渠伯糾來聘傳宰渠伯糾者何
天子之大夫也其稱宰渠伯糾何下大夫也

据定四年劉卷卒氏采不名且字此爲下
大夫故繫官氏各而且字繫官者卑不得

專官稱伯者上敬老也

五年春正月甲戌己丑陳侯鮑卒傳曷爲以

三日卒之愆也甲戌之日亡己丑之日死而

得君子疑焉故以二日卒之也愆呼述反

愆者狂也齊人語

夏齊侯鄭伯如紀傳外相如不書此何以書

離不言會也

離不言會者時紀不與會故略言如也

天王使仍叔之子來聘傳仍叔之子者何天

子之大夫也其稱仍叔之子何譏何譏爾譏

春秋公羊桓公九稽古樓

父老子代從政也

葬陳桓公

城祝邱

秋蔡人衛人陳人從王伐鄭傳其言從王伐

鄭何從王正也

大雩傳大雩者何旱祭也然則何以不言旱

言雩則早見言旱則雩不見何以書記災也

雩請雨祭名君親之南郊以六事謝過自

責曰政不一與民失職與宮室崇與婦謁
盛與苞苴行與讒夫倡與使童男女各人
人舞而呼雩故謂之雩

蠲何以書記災也

蠲音終左
穀作錄

冬州公如曹傳外相如不書此何以書過我
也

爲六年化我張本

六年春正月寔來傳寔來者何猶曰是人來

春秋

公羊

桓公

十

稽古樓

也

也

也孰謂謂州公也曷爲謂之寔來慢之也曷
爲慢之化我也

猶曰是人來不錄何等人之辭行過無禮
謂之化齊人語也諸侯相過至竟必假塗
入都必朝所以崇禮讓絕慢易戒不虞也
州公過魯都不朝魯是慢之爲惡故書寔
來見其義也

夏四月公會紀侯于成

秋八月壬午大閱傳大閱者何簡車徒也何以書蓋以罕書也

蔡人殺陳佗傳陳佗者何陳君也陳君則曷爲謂之陳佗絕也曷爲絕之賤也其賤奈何外淫也惡乎淫淫乎蔡蔡人殺之

絕者國當絕之惡乎猶於何也

九月丁卯子同生傳子同生者孰謂謂莊公

也何言乎子同生喜有正也未有言喜有正

春秋公羊傳

桓公

十一

稽古樓

者此其言喜有正何久無正也子公羊子曰其諸以病桓與

正謂國有正嗣本所以書莊公生者感隱

桓之禍生於無正故喜有正不以世子正

稱書者明欲以正見無正疾惡桓公

冬紀侯來朝

七年春二月己亥焚咸邱傳焚之者何樵之

也樵之者何以火攻也何言乎以火攻疾始

以火攻也咸邱者何邾婁之邑也曷爲不繫乎邾婁國之也曷爲國之君存焉爾

樵薪也以樵燒之故因謂之樵之樵之齊

人語征伐之道不過用兵服則可以退不服可以進火之盛炎水之盛衝雖欲服罪

不可復禁故疾其暴而不仁也

夏穀伯綏來朝鄧侯吾離來朝皆何以名

失地之君也其稱侯朝何貴者無後待之以

春秋公羊

桓公

十二

稽古樓

初也

八年春正月己卯烝烝者何冬祭也春曰

祠夏曰禘秋曰嘗冬曰烝常事不書此何以

書譏何譏爾譏亟也亟則黷黷則不敬君子

之祭也敬而不黷疏則怠怠則忘士不及茲

四者則冬不裘夏不葛

亟數也明去年十一月己有烝但得常不

書今正月復烝故言亟不異祭名而言烝

者取冬祭所薦眾多可以包四時之物四
者四時祭也感四時物而思親也裘葛者
御寒暑之美服士有公事不得及此四時
祭者則不敢美其衣服蓋思念親之甚也

天玉使家父來聘

夏五月丁丑烝傳何以書譏亟也

秋伐邾婁

冬十月雨雪傳何以書記異也何異爾不時

春秋

公羊傳桓公

十三

稽古樓

也

周之十月夏之八月

祭公來遂逆王后于紀傳祭公者何天子之

三公也何以不稱使婚禮不稱主人遂者何

生事也大夫無遂事此其言遂何成使乎我

也其成使乎我奈何使我為媒可則因用是

往逆矣女在其國稱女此其稱王后何王者

無外其辭成矣

生事專事之辭以上來無事知遂成使于我

九年春紀季姜歸于京師傳其辭成矣則其稱紀季姜何自我言紀父母之於子雖爲天王后猶曰吾季姜京師者何天子之居也京者何大也師者何眾也天子之居必以眾大之辭言之

不稱王后而稱紀季姜明子尊不加于父母

春秋

公羊

桓公

十四

稽古樓

母

夏四月

秋七月

冬曹伯使其世子射姑來朝傳諸侯來曰朝此世子也其言朝何春秋有譏父老子代從政者則未知其在齊與曹與

在齊者會齊世子光伐鄭序諸侯之上也
世子代朝明亦合譏世子序諸侯之上明

亦合譏而傳云未知在齊曹者正以丁卒
葬詳錄故依違之不信言耳

十年春王正月庚申曹伯終生卒

夏五月葬曹桓公

秋公會衛侯于桃邱弗遇傳會者何期辭也
其言弗遇何公不見要也

言弗遇者起公要之也弗者不之深也起
公見拒深傳言公不見要者順經諱文

春秋

公羊

桓公

十五

稽古樓

冬十有二月丙午齊侯衛侯鄭伯來戰于郎
傳郎者何吾近邑也吾近邑則其言來戰于
郎何近也惡乎近近乎圍也此偏戰也何以
不言師敗績內不言戰言戰乃敗矣

地而言來明近都城幾與圍無異偏一面
也結日定地各居一面鳴鼓而戰不相詐
也春秋王魯不與諸侯敵故言戰乃已敗
之文

十有一年春正月齊人衛人鄭人盟于惡曹
夏五月癸未鄭伯寤生卒

秋七月葬鄭莊公九月宋人執鄭祭仲祭仲者何鄭相也何以不名賢也何賢乎祭仲以爲知權也其爲知權奈何古者鄭國處于留先鄭伯有善於鄆公者通乎夫人以取其國而遷鄭焉而野留莊公死已葬祭仲將往省于留塗出於宋宋人執之謂之曰爲我出

春秋傳

公羊

桓公

十六

稽古樓

忽而立突祭仲不從其言則君必死國必亡從其言則君可以生易死國可以存易亡少遼緩之則突可故出而忽可故反是不可得則病然後有鄭國古人之有權者祭仲之權是也權者何權者反於經然後有善者也權之所設舍死亡無所設行權有道自貶損以行權不害人以行權殺人以自生亡人以自存君子不爲也

遷鄭焉遷鄭都于會野鄙也突宋外甥突
可故出而忽可故反者謂宋當從突求賂
鄭守正不與則突外乖於宋內不行於臣
下故也是終能出突而反忽為權之成矣
使突有賢才是計不可得行則已病逐君
之罪也然後有鄭國者言已雖病逐君之
罪討出突然後能保有鄭國猶愈於國之
亡也設施也如舍死亡之事權不得施也
謂已納突不害忽也

春秋

公羊傳

桓公

十七

稽古樓

突歸于鄭傳突何以名挈乎祭仲也其言歸
何順祭仲也

何以名謂不繫鄭而但名也欲明祭仲提
挈而納故上繫於祭仲而不繫國順者順
其計策行權

鄭忽出奔衛傳忽何以名春秋伯子男一也

辭無所貶

何以名据僖公九年宋子既葬稱子也春秋改周之文從殷之質合伯子男為一辭無所貶皆從子夷狄進爵稱子是也忽稱子則與諸侯改伯從子辭同於成君無所貶損故名也名者緣君薨有降既葬名義也此非罪貶

柔會宋公陳侯蔡叔盟于折傳柔者何吾大

春秋

公羊傳

桓公

十六

稽古樓

夫之未命者也

輒發傳者無氏嫌貶也

公會宋公子去童

冬十有二月公會宋公子闕

十有二年春正月

夏六月壬寅公會紀侯莒子盟于郟

紀左作祀

郟蛇左氏作曲池

秋七月丁亥公會宋公燕人盟于穀邱

八月壬辰陳侯躍卒

公會宋公子鄭

冬十有一月公會宋公子龜

丙戌公會鄭伯盟于武父

丙戌衛侯晉卒

十有二月及鄭師伐宋丁未戰于宋傳戰不

言伐此其言伐何辟嫌也惡乎嫌嫌與鄭人

戰也此偏戰也何以不言師敗績內不言戰

春秋公羊

桓公

十九

稽古樓

言戰乃敗矣

不言伐則嫌內微者與鄭人戰于宋故舉

伐以明之

十有三年春二月公會紀侯鄭伯己巳及齊

侯宋公衛侯燕人戰齊師宋師衛師燕師敗

績傳曷為後日恃外也其恃外奈何得紀侯

鄭伯然後能為日也內不言戰此其言戰何

從外也曷為從外恃外故從外也何以不地

近也惡乎近近乎圍郎亦近矣郎何以地郎猶可以地也

三月葬衛宣公

夏大水

秋七月

冬十月

十有四年春正月公會鄭伯于曹

無冰傳何以書記異也

春秋公羊桓公

夏五鄭伯使其弟語來盟傳夏五者何無聞焉爾

焉爾

來盟例時此言夏五師所不說何氏以五

字或衍文

秋八月壬申御廩災傳御廩者何黍盛委之所藏也御廩災何以書記災也

御者謂御用于宗廟黍稷曰黍在器曰盛

委積也

委積也

干 稽古樓

乙亥嘗傳常事不書此何以書譏何譏爾譏嘗也曰猶嘗乎御廩災不如勿嘗而已矣

嘗廢一時祭自責以奉天災

冬十有二月丁巳齊侯祿父卒

宋人以齊人衛人蔡人陳人伐鄭傳以者何行其意也

以己從人曰行言四國行宋意也

十有五年春二月天王使冢父來求車傳何

春秋公羊桓公王稽古樓

以書譏何譏爾王者無求求車非禮也

三月乙未天王崩

夏四月己巳葬齊僖公

五月鄭伯突出奔蔡傳突何以名奪正也

明祭仲得立之故復於此名著其奪正不

以失眾錄也

鄭世子忽復歸于鄭傳其稱世子何復正也

曷為或言歸或言復歸復歸者出惡歸無惡

復入者出無惡人有惡入者出入惡歸者出
人無惡

皆於還入乃別之者入國犯命禍重也忽
未成君出奔不應絕出惡者不如死之榮
也入無惡者出不應絕則還入不應盜國

許叔入于許

公會齊侯于鄆

邾婁人牟人葛人來朝傳皆何以稱人夷狄

春秋

公羊傳

桓公

五

稽古樓

之也

桓公行惡而三人俱朝人三爲眾眾足責

矣

秋九月鄭伯突入于櫟傳櫟者何鄭之邑曷

爲不言入于鄭末言爾曷爲末言爾祭仲亡

矣然則曷爲不言忽之出奔言忽爲君之微

也祭仲存則存矣祭仲亡則亡矣

末者淺也解不言入國意亡死亡也祭仲

亡則鄭國易得故明入邑則忽危矣不須
乃入國也忽微弱甚僅若匹夫之出耳故
不復錄

冬十有一月公會齊侯宋公衛侯陳侯于侈
伐鄭

十有六年春正月公會宋公蔡侯衛侯于曹
夏四月公會宋公衛侯陳侯蔡侯伐鄭

秋七月公至自伐鄭

春秋

公羊

桓公

三

稽古樓

冬城向

十有一月衛侯朔出奔齊傳衛侯朔何以名
絕曷爲絕之得罪于天子也其得罪于天子
奈何見使守衛朔而不能使衛小眾越在岱
陰齊屬負茲舍不卽罪爾屬音燭

守衛朔之朔十二月朔政事也月朔以朝

廟告朔是也時天子使衛發小眾不能使
行越猶走也岱岱宗泰山也山北曰陰先

言陰後言齊者明名山大澤不以封諸侯也天子有疾稱不豫諸侯曰負茲大夫稱犬馬士稱負薪屬託也舍止也託有疾止不就罪也

十有七年春正月丙辰公會齊侯紀侯盟于

黃

二月丙午公及邾婁儀父盟于雒

五月丙午及齊師戰于奚

春秋

公羊

桓公

西

稽古樓

六月丁丑蔡侯封人卒

秋八月蔡季自陳歸于蔡

癸巳葬蔡桓侯

及宋人衛人伐邾婁

冬十月朔日有食之

十有八年春王正月公會齊侯于濼公夫人

姜氏遂如齊傳公何以不言及夫人夫人外

也夫人外者何內辭也其實夫人外公也傳

沃反左穀作
公與夫人

大人外夫人已為公所絕外內辭內為公

諱辭

夏四月丙子公薨于齊丁酉公之喪至自齊

秋七月

冬十有二月己丑葬我君桓公魯賊未討何以書葬讎在外也讎在外則何以書葬君子辭也

春秋

公羊

桓公

五

稽古樓

時齊彊魯弱不可立得報故君子量力且假使書葬於可復讎而不復乃責之諱與齊狩是也

春秋公羊傳桓公終

春秋公羊傳

漢何休學

明閔齊伋裁註

莊公

元年春王正月公何以不言即位春秋君弑子不言即位君弑則子何以不言即位隱之也孰隱隱子也

隱痛是子之禍不忍言即位也諸侯於其

春秋公羊傳

封內三年稱子

稽古樓

三月夫人孫于齊孫者何孫猶孫也內諱奔謂之孫夫人固在齊矣其言孫於齊何念母也正月以存君念母以首事夫人何以不稱姜氏貶曷為貶與弑公也其與弑公奈何夫人譖公於齊侯公曰同非吾子齊侯之子也齊侯怒與之飲酒於其出焉使公子彭生送之於其乘焉搯幹而殺之念母者所善也

則曷爲於其念母焉貶不與念母也

孫同遜與絨之

與去聲
擗同扯

夫人固在齊而書孫者所以起念母也正
月以存君者正月歲終復始臣子喜其君
父與歲終而復始執贄存之練祭取法存
君閔君父往年此日沒今年復此日存而
禮祭之也首事者夫人當爲首而營其祭
事也時莊公陳祭念母而迎之當書迎反

春秋

公羊

莊公

二 稽古禮

書孫者明不宜也如其事曰訴加誣曰譖
公曰三句譖語也擗折聲幹脅也念母則
忘父故貶

夏單伯送王姬傳單伯者何吾大夫之命乎
天子者也何以不稱使天子召而使之也逆
之者何使我主之也曷爲使我主之天子嫁
女乎諸侯必使諸侯同姓者主之諸侯嫁女
乎大夫必使大夫同姓者主之

諸侯之大夫例合稱名若貢於天子禮宜尊異是以見其稱字知其貢於天子禮諸侯三年一貢士於天子天子命與諸侯補助爲政所以通賢共治示不獨專重民之至大國舉三人次國舉二人小國舉一人天子諸侯不自爲主者尊卑不敵其行婚姻之禮則傷君臣之義行君臣之禮則廢婚姻之好故必使同姓有血脉之屬宜爲

春秋

公羊傳

莊公

三

稽古樓

父道與所適敵體者主之我主書者惡天子也禮齊衰不接弁冕仇讎不交婚姻

秋築王姬之館于外傳何以書譏何譏爾築之禮也于外非禮也于外何以非禮築于外非禮也其築之何以禮主王姬者必爲之改築主王姬者則曷爲必爲之改築於路寢則不可小寢則嫌羣公子之舍則以卑矣其道必爲之改築者也

于外非禮者以言外知有築內之道也築於外非禮者魯本自得以讎爲解無爲受命而外之故曰非禮羣公子女公子也

冬十月乙亥陳侯林卒

王使榮叔來錫桓公命錫者何賜也命者何加我服也其言桓公何追命也

加我服者增加其衣服令有異於諸侯禮有九錫一曰車馬二曰衣服三曰樂則四

春秋

公羊

莊公

四

稽古樓

曰朱戶五曰納陛六曰虎賁七曰弓矢八

曰鈇鉞九曰拒鬯皆所以勸善扶不能言

命不言服者重命不重其財物也禮百里

不過九命七十里不過七命五十里不過

五命

王姬歸于齊何以書我主之也

魯主女爲父母道故恩錄而書之

齊師遷紀邾鄆鄆遷之者何取之也取之

則曷爲不言取之也爲襄公諱也外取邑不書此何以書大之也何大爾自是始滅也音

平節音音 邱音五

襄公將復讎於紀故先孤弱取其邑本不

爲利舉故爲諱

二年春王二月葬陳莊公

夏公子慶父帥師伐於餘邱傳於餘邱者何

邾婁之邑也曷爲不繫乎邾婁國之也曷爲

春秋公羊

莊公

五

稽古樓

國之君存焉爾

秋七月齊王姬卒傳外夫人不卒此何以卒

錄焉爾曷爲錄焉爾我主之也

冬十有二月夫人姜氏會齊侯于郟

乙酉宋公馮卒

三年春王正月溺會齊師伐衛傳溺者何吾

大夫之末命者也

夏四月葬宋莊公

五月葬桓王傳此未有言崩者何以書葬蓋改葬也

秋紀季以鄆入于齊傳紀季者何紀侯之弟也何以不名賢也何賢乎紀季服罪也其服罪奈何魯子曰請後五廟以存姑姊妹

請後五廟者請爲五廟後也直言姑姊妹不言兄弟子姪者謙不敢言之

冬公次于郎傳其言次于郎何刺欲救紀而

春秋公羊莊公六稽古樓

後不能也

四年春王二月夫人姜氏饗齊侯于祝邱

三月紀伯姬卒

夏齊侯陳侯鄭伯遇于垂

紀侯大去其國傳大去者何滅也孰滅之齊滅之曷爲不言齊滅之爲襄公諱也春秋爲賢者諱何賢乎襄公復讎也何讎爾遠祖也哀公享乎周紀侯譜之以襄公之爲於此焉

者事祖禰之心盡矣盡者何襄公將復讎乎
紀卜之曰師喪分焉寡人死之不爲不吉也
遠祖者幾世乎九世矣九世猶可以復讎乎
雖百世可也家亦可乎曰不可國何以可國
君一體也先君之恥猶今君之恥也今君之
恥猶先君之恥也國君何以爲一體國君以
國爲體諸侯世故國君爲一體也今紀無罪
此非怒與曰非也古者有明天子則紀侯必

春秋

公羊

莊公

七

稽古樓

誅必無紀者紀侯之不誅至今有紀者猶無
明天子也古者諸侯必有會聚之事相朝聘
之道號辭必稱先君以相接然則齊紀無說
焉不可以並立乎天下故將去紀侯者不得
不去紀也有明天子則襄公得爲若行乎曰
不得也不得則襄公曷爲爲之上無天子下
無方伯緣恩疾者可也

烹煮而殺之鄭氏云懿始受譖而烹齊哀

公是也周語亦有其事分半也師喪亡其半也百世大言之爾怒遷怒齊人語也無說焉無悅懌也若如也得爲若行乎猶曰得爲如此行乎疾痛也時無明君賢伯以誅無道緣其有恩痛於先祖者可以許其

復讎矣

六月乙丑齊侯葬紀伯姬傳外夫人不書葬

此何以書隱之也何隱爾其國亡矣徒葬於

春秋

公羊傳

莊公

八

稽古樓

齊爾此復讎也曷爲葬之滅其可滅葬其可葬此其爲可葬奈何復讎者非將殺之逐之也

秋七月

冬公及齊人狩于郛傳公曷爲與微者狩齊

侯也齊侯則其稱人何謹與讎狩也前此者

有事矣後此者有事矣則曷爲獨於此焉讎

於讎者將壹讎而已故擇其重者而讎焉莫

重乎其與讎狩也於讎者則曷爲將壹譏而已讎者無時焉可與通通則爲大譏不可勝譏故將一譏而已其餘從同

其餘輕者從義與重者同不復譏都與無讎同文論之所以省文達其異義矣凡二同故言同同輕者不譏見與重者同一同也都與無讎同文論之一同也故曰凡二

同

春秋公羊傳莊公

九 稽古樓

五年春王正月

夏夫人姜氏如齊師

秋倪黎來來朝傳倪者何小邾婁也小邾婁則曷爲謂之倪未能以其名通也黎來者何名也其名何微國也

冬公會齊人宋人陳人蔡人伐衛傳此伐衛

何納朔也曷爲不言納衛侯朔辟王也

六年春王三月壬子突救衛傳王人者何

微者也子突者何貴也貴則其稱人何繫諸人也曷爲繫諸人王人耳

爲王者諱使若遣微者

夏六月衛侯朔入于衛傳衛侯朔何以名絕曷爲絕之犯命也其言人何篡辭也

上辟王不得言納故復從篡辭書入國人

立之曰立他國立之曰納從外曰入

秋公至自伐衛傳曷爲或言致會或言致伐

春秋公羊莊公十稽古樓

得意致會不得意致伐衛侯朔入于衛何以致伐不敢勝天子也

蟻

冬齊人來歸衛寶傳此衛寶也則齊人曷爲來歸之衛人歸之也衛人歸之則其稱齊人何讓乎我也其讓乎我奈何齊侯曰此非寡人之力魯侯之力也

寶玉物之凡名

七年春夫人姜氏會齊侯于防

夏四月辛卯夜恆星不見夜中星實如雨

恆星者何列星也列星不見何以知夜之中

星反也如雨者何如雨者非雨也非雨則曷

為謂之如雨不脩春秋曰雨星不及地尺而

復君子脩之曰星實如雨何以書記異也

作昔實一
傳作隕

列星者天之常宿星反者星復其位星反

春秋公羊莊公

十一

稽古樓

在半夜之後則知鄉者不見之時是夜中

矣

秋大水

無麥苗傳無苗則曷為先言無麥而後言無

苗一災不書符無麥然後書無苗何以書記

災也

冬夫人姜氏會齊侯于穀

八年春王正月師次于郎以俟陳人蔡人傳

次不言俟此其言俟何託不得已也

師出本為下滅成與陳蔡屬與魯伐衛同心又國遠故因假以諱滅同姓託待二國

為留辭

甲午祠兵傳祠兵者何出曰祠兵入曰振旅

其禮一也皆習戰也何言乎祠兵為久也曷

為為久吾將以甲午之日然後祠兵於是左

穀作治

春秋公羊莊公

十二

稽古樓

禮出兵必祠于近郊陳兵習戰為久稽留

之辭

夏師及齊師圍成成降于齊師傳成者何盛

也盛則曷為謂之成諱滅同姓也曷為不言

降吾師辟之也成左穀作

因魯有成邑同聲相似故云爾辟之避滅

同姓

秋師還傳還者何善辭也此滅同姓何善爾

病之也曰師病矣曷爲病之非師之罪也

病之慰勞其罷病也所以慰勞師之罷病者明君之滅同姓非師之罪其重在於君也

冬十有一月癸未齊無知弑其君諸兒

九年春齊人殺無知

公及齊大夫盟于暨暨公曷爲與大夫盟齊

無君也然則何以不名爲其諱與大夫盟也

春秋公羊傳莊公

三 稽古樓

使若眾然暨左作護

鄰國之臣猶吾臣也君之於臣當告從命

行而反歆血約誓故諱使若悉得齊諸大

夫約束之者

夏公伐齊納糾糾納者何入辭也其言伐之

何伐而言納者猶不能納也糾者何公子糾

也何以不稱公子君前臣名也

公子無去國道臣異國義故去公子見

臣于魯也

齊小白入于齊傳曷爲以國氏當國也其言
入何篡辭也

秋七月丁酉葬齊襄公

八月庚申及齊師戰于乾時我師敗績傳內
不言敗此其言敗何伐敗也曷爲伐敗復讎
也此復讎乎大國曷爲復讎者公也公則曷
爲不言公不與公復讎也曷爲不與公復讎
春秋公羊莊公
復讎者在下也十四
稽古樓

伐敗者自誇大其伐而取敗也復讎以死

敗爲榮故錄之在下也者時實不能爲納

子糾伐齊諸大夫以爲不如以復讎伐之

於是以復讎伐之非誠心至意故不與也

九月齊人取子糾殺之傳其取之何內辭也

脅我使我殺之也其稱子糾何貴也其實奈

何宜爲君者也

冬浚洙傳洙者何水也浚之者何深之也曷為深之畏齊也曷為畏齊也辭殺子糾也
殊音洙

時魯新見魯畏齊浚之微弱恥甚故諱使若辭不肯殺子糾而齊自取殺之畏齊怒為備

十年春王正月公敗齊師于長勺

二月公侵宋傳曷為或言侵或言伐朔者曰

春秋公羊傳莊公十五稽古樓

侵精者曰伐戰不言伐圍不言戰入不言圍滅不言入書其重者也

朔麤也將兵至竟以過侵責之服則引兵而去用意尚麤精猶精密也

三月宋人遷宿傳遷之者何不通也以地還之也子沈子曰不通者蓋因而臣之也

還繞也宋本欲遷宿君取其國不知宿之不肯邪宋逆詐邪先繞取其地使不得通

四方宿龜從宋求遷故得言遷

夏六月齊師宋師次于郎公敗宋師于乘邱
傳其言次于郎何伐也伐則其言次何齊與
伐而不與戰故言伐也我能敗之故言次也

與音預

秋九月荆收蔡師于莘以蔡侯獻舞歸
傳荆者何州名也州不若國國不若氏氏不若人
人不若名名不若字字不若子蔡侯獻舞何

春秋公羊

傳

莊公

十六

稽古樓

以名絕為絕之獲也曷為不言其獲不與

夷狄之獲中國也

舞穀作武

冬十月齊師滅譚譚子奔莒
傳何以不言出國已滅矣無所出也

十有一年春王正月

夏五月戊寅公敗宋師于郟

秋宋大水
傳何以書記災也外災不書此何

以書及我也

時魯亦有水災書魯則宋火不見兩舉則煩文不省故詭例書外以見內也

冬王姬歸于齊傳何以書過我也

十有二年春王三月紀叔姬歸于鄆傳其言歸于鄆何隱之也何隱爾其國亡矣徒歸於叔爾也

叔者紀季也婦人謂夫之弟曰叔

夏四月

春秋

公羊莊公

十七

稽古樓

秋八月甲午宋萬弑其君接及其大夫仇牧傳及者何累也弑君多矣舍此無累者乎孔父荀息皆累也舍孔父荀息無累者乎曰有則此何以書賢也何賢乎仇牧仇牧可謂不畏彊禦矣其不畏彊禦奈何萬嘗與莊公戰獲乎莊公莊公歸散舍諸宮中數月然後歸之歸反爲大夫於宋與閔公博婦人皆在側萬曰甚矣魯侯之淑魯侯之美也天下諸

侯宜爲君者唯魯侯爾閔公矜此婦人妬其
言顧曰此虜也爾虜焉故魯侯之美惡乎至
萬怒搏閔公絕其脰仇牧聞君弑趨而至遇
之于門手劒而叱之萬臂掇仇牧碎其首齒
著乎門闔仇牧可謂不畏疆禦矣

博戲名字書作籀虜執虜也惡乎至猶何
所至脰脛也齊人語側手曰撥闔扇也

冬十月宋萬出奔陳

春秋

公羊

莊公

十六

稽古樓

十有三年春齊侯宋人陳人蔡人邾婁人會
于北杏

夏六月齊人滅遂

秋七月

冬公會齊侯盟于柯何何以不曰易也其易
奈何桓之盟不曰其會不致信之也其不曰
何以始乎此莊公將會乎桓曹子進曰君之
意何如莊公曰寡人之生則不若死矣曹子

曰然則君請當其君臣請當其臣莊公曰諾
於是會乎桓莊公升壇曹子手劍而從之管
子進曰君何求乎曹子曰城壞壓竟君不圖
與管子曰然則君將何求曹子曰願請汝陽
之田管子顧曰君許諾桓公曰諾曹子請盟
桓公下與之盟已盟曹子操劍而去之要盟
可犯而桓公不欺曹子可讎而桓公不怨桓
公之信著乎天下自柯之盟始焉

春秋

公羊傳

莊公

十九

稽古樓

易猶倂易也相親信無後患之辭當猶敵
也城壞壓境喻侵深也操辟也時曹子端
劍守桓公已盟乃操劍置地與桓公相去
離爾臣約其君曰要

十有四年春齊人陳人曹人伐宋

夏單伯會伐宋傳其言會伐宋何後會也

伐國不殊會本期而後故但舉會書刺其

不信

秋七月荆入蔡

冬單伯會齊侯宋公衛侯鄭伯于鄆

十有五年春齊侯宋公陳侯衛侯鄭伯會于

鄆

夏夫人姜氏如齊

秋宋人齊人邾婁人伐兒兒音邾

鄭人侵宋

冬十月

春秋

公羊傳

莊公

二十

稽古樓

十有六年春王正月

夏宋人齊人衛人伐鄭

秋荆伐鄭

冬十有二月公會齊侯宋公陳侯衛侯鄭伯

許男曹伯滑伯滕子同盟于幽同盟者何

同欲也

邾婁子克卒

十有七年春齊人執鄭瞻鄭瞻者何

微者也此鄭之微者何言乎齊人執之書甚倭也

夏齊人澱于遂澱者何澱積也眾殺戍者

也澱左穀作澱

澱者死文澱之為死積死非一之辭故曰

澱積以兵守之曰戍齊人滅遂遂民不安

欲去齊強戍之遂人共以藥投其所飲食

水中多殺之積本又作漬曲禮羽鳥曰降

春秋公羊傳莊公

三 稽古樓

四足曰漬鄭注云異於人也降落也漬謂

相澱汚而死

秋鄭瞻自齊逃來何以書書甚倭也曰倭

人來矣倭人來矣

重言來者若經主書者若傳云爾蓋痛魯

知而受之信其討策以取齊淫女丹楹刻

桷卒為後敗也

冬多麋何以書記異也

十有八年春王三月日有食之

夏公追戎于濟西傳此未有言伐者其言追

何大其為中國追也此未有伐中國者則其

言為中國追何大其未至而豫禦之也其言

于濟西何大之也

秋有螽傳何以書記異也

螽短狐也或謂之射工草木志云在水中

射人影即死

春秋公羊傳莊公

五

稽古樓

冬十月

十有九年春王正月

夏四月

秋公子結媵陳人之婦于鄆遂及齊侯宋公

盟傳媵者何諸侯娶一國則二國往媵之以

姪娣從姪者何兄之子也娣者何弟也諸侯

壹聘九女諸侯不再娶媵不書此何以書為

其有遂事書大夫無遂事此其言遂何聘禮

大夫受命不受辭出竟有可以安社稷利國
家者則專之可也

先是鄆幽之會公皆不至公子結出竟遭

齊宋欲深謀伐魯專矯君命而與之盟故

善而詳錄

夫人姜氏如莒

冬齊人宋人陳人伐我西鄙

二十年春王二月夫人姜氏如莒

春秋公羊

莊公

三

稽古樓

夏齊大災大災者何大瘠也太瘠者何痢

也何以書記災也外災不書此何以書及我

也痢同

瘠病也齊人語以加大知非災災也痢者

民疾疫也

秋七月

冬齊人伐我

二十有一年春王正月

夏五月辛酉鄭伯突卒

秋七月戊戌夫人姜氏薨

冬十有二月葬鄭厲公

二十有二年春王正月肆大省傳肆者何跌也大省者何災省也肆大省何以書譏何譏爾譏始忌省也

跌過度也夏以卯日亡殷以子日亡先王

常以此日省吉事不忍舉又大自省救得

春秋

公羊傳

莊公

十四

稽古樓

無獨有此行乎當若聞災自省故曰災省

也時魯有夫人喪忌省日不哭省日本以

忌吉事不以忌凶事故禮哭不辟子卯日

所以專孝子之思也不與念母而譏忌省

者本不事母則已不當忌省猶為商人責

不討賊

癸丑葬我小君文姜傳文姜者何莊公之母

也

陳人殺其公子禦寇

夏五月

秋七月丙申及齊高傒盟于防渚齊高傒者何貴大夫也曷為就吾微者而盟公也公則曷為不言公諱與大夫盟也

冬公如齊納幣傳納幣不書此何以書譏何譏爾親納幣非禮也

禮言納徵春秋言納幣者春秋質也凡婚

春秋

公羊傳

莊公

三五

稽古樓

禮皆用鴈取其知時候唯納徵用元纁束

帛儷皮元纁取其順天地也古者食肉衣

皮儷皮者鹿皮所以重古也儷者兩也

二十有三年春公至自齊傳桓之盟不日其

會不致信之也此之桓國何以致危之也何

危爾公一陳佗也

公如齊淫與陳佗相似

祭叔來聘

夏公如齊觀社傳何以書譏何譏爾諸侯越竟觀社非禮也

公至自齊

荆人來聘傳荆何以稱人始能聘也

進之故使稱人

公及齊侯遇于穀

蕭叔朝公傳其言朝公何公在外也

時公受朝于外故言朝公惡公不受于廟

春秋

公羊

莊公

三

稽古樓

秋丹桓宮楹傳何以書譏何譏爾丹桓宮楹非禮也

冬十有一月曹伯射姑卒

十有二月甲寅公會齊侯盟于扈傳桓之盟

不日此何以日危之也何危爾我貳也魯子

曰我貳者非彼然我然也

言非齊惡我也我行汙貳動作有危故日

之也

二十四年春王三月刻桓宮楹何以書
譏何譏爾刻桓宮楹非禮也

葬曹莊公

夏公如齊逆女何以書親迎禮也

諱淫故使若以得禮書

秋公至自齊八月丁丑夫人姜氏入何其言
入何難也其言曰何難也其難奈何夫人不
僂不可使入與公有所約然後入

春秋公羊

莊公

三毛

稽古樓

僂疾也齊人語約約遠媵妾也夫人稽留
不肯疾順公不可使即入公至後與公約

定八月丁丑乃入故為難辭也

戊寅大夫宗婦覲用幣何宗婦者何大夫之
妻也覲者何見也用者何用者不宜用也見
用幣非禮也然則曷用聚粟云乎殿脩云乎

殿丁
亂反

殿脩脯也

大水

冬戎侵曹曹羈出奔陳傳曹羈者何曹大夫也曹無大夫此何以書賢也何賢乎曹羈戎將侵曹曹羈諫曰戎眾以無義君請勿自敵也曹伯曰不可三諫不從遂去之故君子以為得君臣之義也

赤歸于曹郭公傳赤者何曹無赤者蓋郭公也郭公者何火地之君也

春秋

公羊傳

莊公

二十

稽古樓

失地者出奔也不言郭公赤奔曹者從微者例不得錄出奔

二十有五年春陳侯使女叔來聘

夏五月癸丑衛侯朔卒

六月辛未朔日有食之鼓用牲于社傳日食

則曷為鼓用牲于社求乎陰之道也以朱絲

營社或曰脅之或曰為闢恐人犯之故營之

求責求也社者土地之主也月者土地之

精上繫于天而犯日故鳴鼓而攻之脅其
本也朱絲營之助陽抑陰也或曰爲闢者
社爲土地之主尊日光盡天闇冥恐人犯
歷故營之先言鼓後言用牲者明先以尊
命責之後以臣子禮接之所以爲順也

伯姬歸于杞

秋大水鼓用牲于社于門傳其言于社于門
何于社禮也于門非禮也

春秋

公羊傳莊公

三

稽古樓

冬公子友如陳

二十有六年公伐戎

夏公至自伐戎

曹殺其大夫傳何以不名眾也曷爲眾殺之
不死于曹君者也君死乎位曰滅曷爲不言
其滅爲曹羈諱也此蓋戰也何以不言戰爲
曹羈諱也

曹諸大夫與君俱敵戎戰曹伯爲戎所殺

諸大夫不仗節死義獨退求生後嗣子立而誅之春秋以爲得其罪故眾略之不名去戰滅之文所以致其意也曹羈之意唯恐其滅欲其不戰是故諱其戰滅之文

秋公會宋人齊人伐徐

冬十有二月癸亥朔日有食之

二十有七年春公會杞伯姬于洮

夏六月公會齊侯宋公陳侯鄭伯同盟于幽

春秋

公羊傳

莊公

三

稽古樓

秋公子友如陳葬原仲原仲者何陳大夫也大夫不書葬此何以書通乎季子之私行也何通乎季子之私行辟內難也君子辟內難而不辟外難內難者何公子慶父公子牙公子友皆莊公之母弟也公子慶父公子牙通乎夫人以脅公季子起而治之則不得與於國政坐而視之則親親因不忍見也故於是復請至於陳而葬原仲也

門內之治恩揜義門外之治義揜恩故君子辟內難而不辟外難也

冬杞伯姬來傳其言來何直來曰來大歸曰來歸

直來無事而來也大歸者廢棄來歸也

莒慶來逆叔姬傳莒慶者何莒大夫也莒無大夫此何以書譏何譏爾大夫越竟逆女非禮也

春秋

公羊傳

莊公

三

稽古樓

杞伯來朝

公會齊侯於城濮

二十有八年春王三月甲寅齊人伐衛衛人及齊人戰衛人敗績傳伐不日此何以日至之日也戰不言伐此其言伐何至之日也春秋伐者爲客伐者爲主故使衛主之也曷爲使衛主之衛未有罪爾敗者稱師衛何以不稱師未得乎師也

至之日也者用兵之道當先至境侵責之
不服乃伐之今日至便以今日伐之故曰
以起其暴也至日便伐明暴故舉伐爾伐
者爲客伐人者爲客也讀伐長言之齊人
語也伐者爲主見伐者爲主也讀伐短言
之齊人語也未得乎師未得成列爲師也

夏四月丁未邾婁子瑣卒

秋荆伐鄭公會齊人宋人邾婁人救鄭

春秋公羊

莊公

三

稽古樓

冬築微

大無麥禾冬既見無麥禾矣曷爲先言築
微而後言無麥禾諱以凶年造邑也

臧孫辰告糴于齊齊告糴者何請糴也何以
不稱使以爲臧孫辰之私行也曷爲以臧孫
辰之私行君子之爲國也必有三年之委一
年不熟告糴譏也

古者三年耕必餘一年之儲九年耕必有

三年之積雖遇凶災民不饑乏莊公享國
二十八年而無一年之畜危亡切近故諱
使若國家不置大夫自私自行糴也

二十有九年春新延廡傳新延廡者何修舊
也修舊不書此何以書譏何譏爾凶年不修

舊故也繕故曰新有增益曰作始造曰築

夏鄭人侵許

秋有蜚傳何以書記異也蜚扶味反

春秋公羊傳莊公

三三 稽古樓

蜚者臭惡之虫南越盛暑所生非中國之

所有

冬十有二月紀叔姬卒

城諸及防

三十年春王正月

夏師次于成

秋七月齊人降鄆傳鄆者何紀之遺邑也降
之者何取之也取之則曷爲不言取之爲桓

公諱也外取邑不書此何以書盡也

齊襄公服紀以過而復盡降取其邑惡其

不仁之甚

八月癸亥葬紀叔姬傳外夫人不書葬此何

以書隱之也何隱爾其國亡矣徒葬乎叔爾

九月庚午朔日有食之鼓用牲于社

冬公及齊侯遇于魯濟

齊人伐山戎傳此齊侯也其稱人何貶曷為

春秋

公羊傳

莊公

三西

稽古樓

樓

貶子司馬子曰蓋以操之為已蹙矣此蓋戰也何以不言戰春秋敵者言戰桓公之與戎狄驅之爾

操迫也已甚也蹙痛也戎亦天地之所生

而乃迫殺之甚痛故貶

三十有一年春築臺于郎傳何以書譏何譏

爾臨民之所漱浣也

無垢加功曰漱去垢曰浣齊人語也譏者

爲瀆下也禮天子外屏諸侯內屏大夫帷
士簾所以防泄漫之漸也

夏四月薛伯卒

築臺于薛傳何以書譏何譏爾遠也

六月齊侯來獻戎捷傳齊大國也曷爲親來
獻戎捷威我也其威我奈何旗獲而過我也
戰所獲物曰捷旗獲建旗懸所獲得以過

魯也

春秋

公羊

莊公

三五

稽古樓

秋築臺于秦傳何以書譏何譏爾臨國也

社稷宗廟朝廷皆爲國皆不當臨臨社稷
宗廟則不敬臨朝廷則泄慢

冬不雨傳何以書記異也

三十有二年春城小穀

夏宋公齊侯遇于梁邱

秋七月癸巳公子牙卒傳何以不稱弟殺也

殺則曷爲不言刺爲季子諱殺也曷爲爲季

子諱殺季子之過惡也不以爲國獄緣季子之心而爲之諱季子之過惡奈何莊公病將死以病召季子季子至而授之以國政曰寡人卽不起此病吾將焉致乎魯國季子曰般也存君何憂焉公曰庸得若是乎牙謂我曰魯一生一及君已知之矣慶父也存季子曰夫何敢是將爲亂乎夫何敢俄而牙弑械成季子和樂而飲之曰公子從吾言而飲此則必可以無爲天下戮矣必有後乎魯國不從吾言而不飲此則必爲天下戮矣必無後乎魯國於是從其言而飲之無僂氏至乎王堤而死公子牙今將爾辭曷爲與親弑者同君親無將將而誅焉然則善之與曰然殺世子母弟直稱君者甚之也季子殺母兄何善爾誅不得辟兄君臣之義也然則曷爲不直誅而酖之行誅乎兄隱而逃之使託若以

春秋

公羊

莊公

三

稽古樓

疾死然親之道也

曷為不言刺者有罪殺之言刺不言卒也
不以為國獄者不就獄致其刑故言卒也
召季子召之於陳也庸猶備備無節目之
辭父死子繼曰生兄死弟繼曰及言隱公
生桓公及今君生慶父亦當及矣有攻守
之器曰械是時牙實欲自弑君兵械已成
但事未行爾今將欲殺也

春秋

公羊

莊公

卷

三

稽古樓

八月癸亥公薨于路寢傳路寢者何正寢也

冬十月乙未子般卒傳子卒云子卒此其稱

子般卒何君存稱世子君薨稱子某既葬稱

子踰年稱公子般卒何以不書葬未踰年之

君也有子則廟廟則書葬無子不廟不廟則

不書葬

公子慶父如齊

狄伐邢

莊公終

